

USEN MBEÑE-IDEM ESIE

Zephaniah 1:14-18; 2:1-3; Isaiah 26:20, 21; Malachi 4:1-6; Matthew 24:3-14, 29-31; Luke 21:31

QYQHỌ UKPEP-ÑKPỌ 457

Eke Ikpọ Owo

IKỌ IBUOT: “Edi mbufo etaba idap kpukpru ini, enyuñ ekpe ubọk, man mbufo ekpekeme ndibọhọ kpukpru ñkpọ oro ediwọrọde, nnyuñ nda ke iso Eyen Owo” (Luke 21:36).

I Iyaresit Qbọñ

- 1 Akwa ukut ekpere, Zephaniah 1:14
- 2 Usen oro eyedi usen afanikọñ ye akwa nnanenyin, Zephaniah 1:15-17; Malachi 4:1
- 3 Idaha oro ini ubọhọ eyebe, Zephaniah 1:18
- 4 Etim esọñ uyo etọt nnyin idaha emi ndinam qyqhọ mbeñe-idem man ibọhọ enyene-ndik usen oro, Zephaniah 2:13; Matthew 24:21, 22; Luke 21:34

II Akwa Usen Qnọ Mmọ Eke Ebeñede Idem

- 1 Mmọ emi eteñede Qbọñ enyuñ enamde mbeñe-idem inyeneke ndikop ndik mbaña usen oro, Malachi 4:2; Isaiah 26:20, 21
- 2 John, ọduọk owo mmọñ (Elijah), enye emi ekebemde Christ iso, ama edi edikwọrọ edikabare-esit, emi edide akpan etop mfin emi, Malachi 4:4-6; Matthew 17:10-13; Ezekiel 33:15
- 3 Christ eyeyarare Idemesie ke utit Akwa Ukut, Malachi 4:3; Matthew 24:29, 30

III Mme Ntiñ-nnim Ikọ Ke Abaña Usen Mbeñe-idem

- 1 Mme ukpat-ñkpọ eyo emi ye unana mme akai edi se eketiñde ebaña, Nahum 2:3, 4
- 2 Ema etiñ ebaña ediñwaña Edisana Spirit nnọ ntọñọ ufọk-Abasi ye ufọk-Abasi idaha emi, Joel 2:22-29
- 3 Mme anditiñ ntiñ-nnim ikọ abiaña, mme ekọñ, ima ediwak owo ndikabare mbit, edi se eketiñde ebaña nte mme ñkpọ eke edidade itie mbemiso Christ ọtọñọ ntak edi, Matthew 24:3-14; 2 Peter 2:1-3
- 4 Mme ñkpọ emi enam nnyin ifiọk ite erifak nnyin emekpere, Luke 21:31.

SE EKPEPDE EBAÑA

Nnyin ke ikpere utit eyo emi ediọñde nte Usen Mbeñe-idem. Abasi osio Edisana Spirit Esie ọdọñ ke ererimbot ete oyom Ñwan-ndọ qnọ Eyen Esie, ndien Ebe-ndọ eyesọp ọbiọñore. Usen emi ọkọtọñọ ye ediñwaña Edisana Spirit nnọ ke Usen Pentecost. “Akpa edim” emi Joel, anditiñ ntiñ-nnim ikọ eketiñde ebaña ama edi ke akpanikọ nte Abasi ọkọñwọñde, edidoro mme mbet nte mmọ eketiede ebet ọtọ kiet ye ke esit kiet ke ubet enyoñ. Ke ñtọñọ isua ikie emi nnyin imokut nte ntiñ-nnim ikọ oro osude ke eritọñọ ntak ññwaña Edisana Spirit ukem nte ekedide ke usen Pentecost. Oro ekedi “ukperedem edim” emi Joel ọkọdọhọde ete eyedi. Emen emi eke-domo ye mme edim emi ekesidepde ke Palestine ke ata anyan ini emi ekebede ndinam mfri adat ebet ini ukpeñe. Ukperedem edim eke spirit ke ededep mfin emi, ndien ke etetim Ñwan-ndọ idem ndisobo ye Qbọñ emi oyomde nditọñọ ntak ndi ke ererimbot.

Ntiñ-nnim Ikọ Osu

Nnyin imokut se ekewetde emi osude ke ntiñ-nnim ikọ Nahum ete ke “mme chariot enyene ikwa ikañ ke usen utim-ñkpọ esie; mmọ enyeñe mme cypress. Mme ukpat-ñkpọ edama ke efak, eyọrọ itọk-itọk ke aña, ebiet nsarañ ikañ, esọp nte obuma.” Nnyin mi ke ñkañ edem edere-edere usop-utin United States imetiene ikut ñko nte ofim enyeñede mme eto cypress nnyin ọkpọsọñ. Mme akai ke ekabade ekpri ke ibat adaña nte isua ebede, oto ke mme ikpọ eto emi esibede efep. Idahaemi mme ekpi-eto ke etọñọ ndida ubom ofim nsioño mbio eto ke mme ebedeñ ye ke ikpọ obot. Ikpọ machine emi mmọ edade ediọñ usuñ, emi enyuñ edade eduri mbio eto idahaemi esaña ebe ke mme akai tutu kpukpru itie ke ikpọ obot efiọk ete mme “cypress ke enyeñe.”

Ikpọ ññwaña usuñ nnyin edi akwa uwut-ñkpọ ke abaña se Nahum eketiñde ete eyetibe. Nte ewatde ikañ-ikañ ke ọkpọ-usuñ ye mme enyene-ndik unqmọ emi edade uwem owo otim etiñ aña nte” mme ukpat-ñkpọ edamade ke efak.” Anie akpakadaba nte ndap ke ñkpọ nte isua ifañ emi ebede abaña ikpọ usuñ isañ emi nnyin inyenede mfin! Emi ayarade owut nte mme usen eke nnyin idude ọsọpde. Ediwak ñkpọ otibe idahaemi ke urua

kiet akan nte okotibede ke isua kiet ke emana ifañ emi ebede. Mme owo ke ekaka ke enyuñ enyoñ-enyoñ ndien ifiok ke akabare otot. Ediwak owo idahaemi ke esaña ke ubomisōñ eto ke obio kiet esim efen enyuñ efiak ke urua iba, ndien ekot emi nte isañ ini nduok-odudu. Ke isua ikie emi ekebede ekeda ediwak ofiōñ ndiwat ke ukpat-ñkpō nsaña utō isañ oro ke ufōt okposōñ ukut ye mme ñkpō-ndik eken ke usuñ.

Ifiok ke otot ke utō usuñ emi edide ibat-ibat nnyin ikeme ndifiok se ikotde ke ñwed mbuk ñkpō-ntibe ke usen ke usen ke abaña mme ñkpō emi mbon nta-ifiok enamde. Ibighike tōñō nte ekenyene oyoñ ifiok ke abaña ukpep-ñkpō iso isōñ idut nnyin, edi idahaemi owo ke osōp idem ndifiok mbaña mme ndibe ñkpō ofuri ererimbot. Ifiok ke ototot edi etie nte owo ikemeke-keme ndisim ifiok akpanikō.

Ke isede ibat owo emi edude ke ofuri ererimbot, ifiok ñkpō spirit idighe ukem ye eke ñkōri ñkpō obukidem. Edi mmō eke edude ke mbeñe-idem ndisobo ye Obōñ ke ini Enye edidide eda mme ñkpō eke ekande mmō ekuk nte ñkpō eke enamde mmō edemere, enyuñ enamde mmō ekpeme enyuñ ebōñ akam man edikut mmō nte etiede ke mbeñe-idem ke ini Obōñ edidide nditañ ikōt Esie.

Mme ñkpō-ntibe emi ikutde akade iso ke Palestine ke ñkpō nte isua ifañ emi ebede edi uwut-ñkpō efen emi owutde ete ke emi edi akpatre ini Usen Mbeñe-idem. Mme Jew emi ekesuande, ekōbode enyuñ ewotde udim-udim ke ini ekōñ ofuri ererimbot oyoñ ikaba, ekabare edi idut eke nnyin idiōñode idahaemi nte Israel. Isōñ oro edi se Abasi okōñwōñode onō mmō; okposuk edi ke nsōñ-ibuot mmō ema ebin mmō esioño ke isōñ oro kaña, edi eñwōñ Abasi ete ke mmō eyeda isōñ oro enyene ke akpatre osuk ososōñ ada tutu mfin. Ke ini emi ekewetde ukpep-ñkpō emi ndusuk mme eñwōñō emi iwōrōke isu kaña, edi ofuri nnyin imonyime ite ke eto fig otōñō ndisiaha ikōñ ndien nnyin imōfiok ite ke ndaeyo ekpere. Mme eñwōñō emi enyenede Israel ye mme eñwōñō eken emi ikutde ke Ikō Abasi enyene ndiwōrō nsu. Ediwak mme ntiñ-nnim ikō emi abañade mme Jew eyewōrō osu ke ini ukara Tōsin Isua; edi nnyin inim ite kpukpru ntiñ-nnim ikō emi enade nte esu mbemiso Christ edi esusu ema, ndien Ntañ-ndok ekpere.

Idiok-ñkpō Otot

Ke mme akpatre usen emi, idiok-ñkpō otot ke kpukpru ebiet. Ekpere ndidi kpukpru mme ada ibuot enyime ete ke nsio-nsio oruk idiok-ñkpō ye mbubiam ido ke otu nditō-ñwōñ etōt eti-eti. Ebat emi nte akamba ndudue emi otode unana ndika iso nnam nti ido ke ufōk. Mme ñkpō oro ekebatde nte otime ye ndedehe ke isua ifañ emi ebede edi se mme owo edade idahaemi nte ñkpō mbre. Mme ndise ke ufōk uwut-ndise, ndien ke mme isua ifañ emi ebede, ekebe-ndise eda mme ñkpō esok mmō emi mikemeke ndinyaña idem ndiyak idem mmō nnō idiok-udōñ ye ubi. Ata anditiene-Christ emi añwanade ye utō odudu oro andidiok ebrede ke eyo emi edi enye emi mme owo ebatde nte owo eset me owo emi mifiokke se ikade iso mfin. Mme owo ekeme ndidōhō ete ke mme ñkpō emi ana edi ntre, ke nnyin ikpenyuñ inyene ndinyime se idade itie inyuñ itiene idu uwem nte ikutde. Edieke nnyin inyimede mfaña mmō, nnyin imekeme ndidōhō ite tōñō ke eyo Adam idiok-ñkpō okosuk odudu, ndien ke nnyin ikpenyeneke ndisua idiok-ñkpō, ikponyuñ ikpanke owo ndisaña ke usuñ idiok. Oro edi se ediwak mme okpono Abasi enamde; edi, edi utom ata owo Abasi ndiwōrō nda saña-saña nnyuñ nsua idiok-ñkpō ke edu-uwem ye ke ukwōrō-ikō.

Ima Osuhore

Nnyin ikot ke Matthew 24:12, “Ndien sia mme ukwañido editōtde, ima ediwak owo eyesuhō.” Nnyin imokut ke enyin, ke emi ñko, uwut-ñkpō mme ukperedem ini. Iwakke nditō Abasi emi ekemede ndineni ete ke ata ediwak owo ye mme nsio-nsio ufōk-Abasi emi ekenyenede ufiop-ufiop ima Abasi ke esit mmō inamke ima oro akabade ebiet idahaemi, efehe ndik, enyuñ edi mmō emi esikde idaha ke ini se idade mmō ke iso edide uteñe-Abasi ye ata edisana-ido. Oro edi se itibede, ndien oro ñko onyuñ osōñō ete ke ini-mfōn mme Idut (Gentile) emi idude ke esit omōñ osim utit. Enam edidi owo ufōk-Abasi edi mmem-mmem, emi anam ediwak owo ebat idem mmō nte mme anditiene-Christ koro edade mmō esin ke ufōk-Abasi. Emi anam owo ndidi ufōk-Abasi ke enye mimanake obufa akabare edi ubiōñō onō enye ke ifiok spirit.

Ke mme usen eke mme owo ekpedomode ofuri ukeme mmō ndinam mbeñe-idem mbaña eridi Obōñ, nnyin ikut nte andidiok oyutde esit mme owo osio ke ndinyene nsat-itōñ mbaña Abasi. Mboho mme okpono Abasi edi ñka, me usuñ emi edade efiok kiet eken nte mme anditiene-Christ. Nnyin imokut emi nte akpanikō koro sia idiok-ñkpō otōtde, ima ediwak owo ke osuhode. Nnyin idikemeke ndibō mme ukpep-ñkpō spirit ke baba usuñ efen edieke itrede ndibine ñkpō spirit. Oyom akam, ñkañ-idem ye ndida idem nnyin ndomo ke mme ukpep-ñkpō Ikō Abasi.

Mme Anditiñ Ntiñ-nnim Ikọ Abiaña

Idiño efen ndifiok nte ke nnyin imekpeme eridi Oboñ edi emi mme anditiñ ntiñ-nnim ikọ abiaña eyohode isoñ. Ndusuk mme akama utom Abasi esin ndikot mme asua kros Christ emi ke nnen-nnen enyiñ mmọ. Ndusuk mmọ emi ekotde idem mmọ mme okworo-ikọ Abasi ebat ete ke owo ididaha mmọ nte mme anditiene-Christ edieke mmọ esuade eno owo mme nkpo ekededi. Nti mme okworo Eti-mbuk etiñ enyin eti-eti ke ndikworo ofuri Ikọ Abasi emi ayarade idiok-nkpo ke mbiet ekededi. Ndusuk mmọ emi ekotde okworo-ikọ Eti-mbuk edu emi ekañde akpanikọ emi odude ke Nwede Abasi ye Iyip emi ekeduokde man eda enyaña mmọ. Ndusuk enyuñ ekañ Jesus nte Eyi Abasi edi esuk ebat idem mmọ nte mme anditiene-Christ. Nnyin ikot ke 2 Nwede John 10, 11 “Edieke owo ekededi edide ke oto mbufo, minyuñ idaha ukpep-nkpo emi idi, ekuda enye esin ke ufok, ekonyuñ ekom enye: koro owo eke okomde enye etiene abuana ke mme idiok utom esie.” Ke ndusuk idaha, edi idiok-nkpo edieke idopde uyo. Ke ndusuk idaha nko edi idiok-nkpo edieke nnyin itrede ndinam mme owo efiok ete ke nnyin ida ke ofuri ukpep-nkpo Christ.

Mme ukpep-nkpo Christ edi mme ukpep-nkpo Abasi, ke ntre ntak inyuñ iduhe owo ndisin mkpaha ukot ke se John, isuñ-utom ewetde abaña mmọ oro ikpoñ-ikpoñ emi ekañde ete “Jesus Christ ama edi ke obukidem.” Ndikañ oro eyeberi nkukure usuñ erinyaña abaha owo, nko edieke owo akañde ukpep-nkpo efen ekededi ke Nwede Abasi, enye onyuñ akañ Christ. Andidiok ada mme anditiñ ntiñ-nnim ikọ abiaña otimere mme owo ke kpukpu nkpo, ye ke ido ukpono Abasi nko man oto do onuk mmọ efep ke otu mmọ emi “ema enyuñ etim enye idem nte nwan-ndo emi ebanade ebeñe ebe” (Eriyarare 21:2).

Mme Abiaña

Owo ekeme ndidu ke mkpa-idem ntak emi edide mmem-mmem ono owo ndinim ndusuk mme nkpo emi edude ke ukperedem ini emi. Nnyin ikot iboro ke 2 Nwede Thessalonica 2:11, 12. “Emi esin Abasi odon abiaña ndinam utom ke esit mmọ, ete enim nsu ke akpanikọ: man edikpe ikpe kpukpu owo emi midaha akpanikọ, edi edarade ke ukwañido.” Mkpembiere ekedi eke mmọ; mmọ ema esin ndisaña ke usuñ akpanikọ enyuñ eberi usuñ esit mmọ ebaha Andinyaña. Usuñ efen ama odu emi mmọ ekemekde. Edi, nte mme “mmem-mmem” usuñ emi eda owo osim Heaven? Jesus edi Usuñ, ndien owo ndikañ Enye me ukpep-nkpo Esie edi ndiberi nkukure usuñ emi adade owo osim Heaven.

Erimbot Ke Nduime

Mme mfina emi esimde mme ada-ibuot ukara mfin ke akaka iso. Kpa nte eketinde enim, idem eyeyemere mme owo oto ke ndik ye erikama enyin nse mme nkpo eke ediworo eno ekondo. Ke ini owo odomode ndikot mme idiño ye mme ini ke enye mikereke ibaña mme ntiñ-nnim ikọ ke Nwede Abasi emi ebañade se iditibede, etie nte ofuri edinam esie inyeneke iwuk. Edieke idorenyin okpude, imekeme ndinam nte akpa mme anditiene-Christ ekenamde: ise enyoñ. Mmọ ema enyene oyoho idorenyin emi mikatakke, ukem nte mmọ ekenyenede ke akpa, ke ini Christ akakpade, edi mmọ ekebet editoño ntak ndi Oboñ mmọ. Idorenyin oro ama añwam ndinam “uwem mmọ esana koro mmọ ema enam mbeñe-idem enyuñ ekworo eno mbon efen ete ke ikpanaha mmọ eneñere efina idem mmọ ke abaña mme nkpo emi edidide ke erimbot, mmọ ikonyuñ ikworo ino mme owo ete yak ebeñe idem ndikpa edi, etop mmọ ekedi ke mme owo ekpenyene ndidu ke mbeñe-idem ke abaña eritoño ntak ndi Oboñ. Oro edi etop ufok-Abasi mme Andikan mfin emi. Nnyin iduokke idorenyin; idem inyuñ imemke nnyin. Ima nnyin ibitke, edi, ufiop-ufiop udon ndikut Oboñ ke ikpa-enyoñ nte Enye edide nditañ ikot Esie nsio ke erimbot emi anam esit nnyin enyene okposon udon nditie mbet. Erimbot ekere ete ke akwa nkpo-ntibe omon ada itie, onyuñ edi ntre. Oboñ ekpere ndidi! Nte afo amanam mbeñe-idem?

MME MBUME

- 1 Ke nso utọ usuñ ke ubomison anam ntiñ-nnim ikọ osu mfin emi?
- 2 Ewe ntiñ-nnim ikọ etie nte etiñ nkpo abaña mme nñwaña usuñ nnyin mfin emi, ye mme unomọ emi etode uwat ubomison?
- 3 Nso ke “akpa edim” ye “akpatre edim” ke Palestine ada ono ke nkpo ikpohidem? Ada ono nso ke nkpo Spirit?
- 4 Nso idi ntak emi ediwak owo eduonode eduk ke abiaña akpatre usen emi?
- 5 Ikpanam nso ye mmọ emi edade isen ukpep-nkpo eduk ebine nnyin?
- 6 Ke didie ke nnyin ikot eto fig nte ototo ndisioño nsehe?
- 7 Nso idi ntak emi ata ediwak owo ebitde ke akpatre ini emi?
- 8 Nso idi kiet ke otu mme akpan nkpo emi akpanamde nnyin inam idem nnyin asana?
- 9 Nso idi ntak emi esit ediwak owo eyemeredede mmọ oto ke ndik?